



საჯარო სამართლის იურიდიული პირი  
**სამცხე-ჯავახეთის სახელმწიფო**  
**უნივერსიტეტი**



Legal Entity Public Law  
**SAMTSKHE –JAVAKHETI STATE UNIVERSITY**  
**აკადემიური საბჭო ACADEMIC COUNCIL**

ოქმი № 8

„ 14 „ 06

2019წ

**დადგენილება № 30**

სსიპ - სამცხე-ჯავახეთის სახელმწიფო უნივერსიტეტში სამაგისტრო პროექტის/ნაშრომის მომზადების ინსტრუქციის დამტკიცების შესახებ

„უმაღლესი განათლების შესახებ“ საქართველოს კანონის 21-ე მუხლის პირველი პუნქტის „ს“ ქვეპუნქტისა, საქართველოს ზოგადი ადმინისტრაციული კოდექსის 51-ე მუხლის პირველი პუნქტის, 52-ე მუხლის პირველი და მე-2 პუნქტების და 53-ე მუხლის მე-3 პუნქტის, 61-ე მუხლის პირველი პუნქტის „საჯარო სამართლის იურიდიული პირის - სამცხე-ჯავახეთის სახელმწიფო უნივერსიტეტის წესდების დამტკიცების თაობაზე“ საქართველოს განათლებისა და მეცნიერების მინისტრის 2014 წლის 13 მაისის #52/ნ ბრძანებით დამტკიცებული წესდების მე-8 მუხლის პირველი პუნქტის „ფ“ ქვეპუნქტისა და აკადემიური საბჭოს 2013 წლის 2 ოქტომბრის N51 დადგენილებით დამტკიცებული სსიპ სამცხე-ჯავახეთის სახელმწიფო უნივერსიტეტის აკადემიური საბჭოს რეგლამენტის მე -3 მუხლის პირველი პუნქტის „ტ“ ქვეპუნქტის თანახმად, აკადემიური საბჭო ადგენს:

1. დამტკიცდეს სსიპ - სამცხე-ჯავახეთის სახელმწიფო უნივერსიტეტში სამაგისტრო პროექტის/ნაშრომის მომზადების ინსტრუქცია ამ დადგენილების დანართის შესაბამისად.
2. ძალადაკარგულად გამოცხადდეს „ახალციხის სახელმწიფო სასწავლო უნივერსიტეტის საბაკალავრო და სამაგისტრო ნაშრომების მომზადების ინსტრუქციის დამტკიცების შესახებ“ აკადემიური საბჭოს 2011 წლის 23 დეკემბრის N239 დადგენილების პირველი პუნქტით დამტკიცებული „სამაგისტრო ნაშრომის მომზადების ინსტრუქცია და შეფასების კრიტერიუმები“.
3. დადგენილება ძალაშია ხელმოწერისთანავე.
4. დადგენილება განთავსდეს სსიპ სამცხე-ჯავახეთის სახელმწიფო უნივერსიტეტის ვებ-გვერდზე და ჩაბარდეს ყველა ფაკულტეტს.
5. დადგენილება შეიძლება გასაჩივრდეს დაინტერესებული პირის მიერ კანონმდებლობით დადგენილი წესით გაცნობის დღიდან 1 თვის ვადაში ახალციხის რაიონულ სასამართლოში, მისამართზე: ქ.ახალციხე კ.მებაღიშვილის ქ.N62.

აკადემიური საბჭოს თავმჯდომარე,  
 რექტორი, ასოცირებული პროფესორი

მაკა ბერიძე

სსიპ - სამცხე-ჯავახეთის სახელმწიფო უნივერსიტეტში სამაგისტრო პროექტის/ნაშრომის  
მომზადების ინსტრუქცია

**1. სამაგისტრო პროექტი/ნაშრომი**

- 1.1. სამაგისტრო პროექტი/ნაშრომი არის წერიითი ხასიათის სამეცნიერო-კვლევითი ნაშრომი, რომელიც უნდა შეასრულოს მაგისტრანტმა აკადემიური პროგრამის დასრულების ბოლოს და დაიცვას საფაკულტეტო დარგობრივი კომისიის სხდომაზე.
- 1.2. სამაგისტრო პროგრამის სამეცნიერო-კვლევითი კომპონენტის შესრულება დასტურდება სამაგისტრო პროექტის/ნაშრომის შესრულებით და დაცვით.
- 1.3. სამაგისტრო პროექტის/ნაშრომის შესრულებისა და მისი საჯარო დაცვის მიზანია, სტუდენტს ჩამოუყალიბოს შერჩეულ სფეროში კვლევის დამოუკიდებლად განხორციელების, აკადემიური კეთილსინდისიერების პრინციპების დაცვით, უახლესი მეთოდებისა და მიდგომების გამოყენებით მიღწეული შედეგების წარმოჩენისა და საკუთარი მსჯელობის საჯაროდ არგუმენტირებულად წარმოდგენის უნარი.
- 1.4. სამაგისტრო პროექტი/ნაშრომი სრულდება სამაგისტრო პროექტის/ნაშრომის ხელმძღვანელის კონსულტაციებით განხორციელებული კვლევისა და სტუდენტის დამოუკიდებელი მუშაობის ფორმატში.
- 1.5. სამაგისტრო პროექტის/ნაშრომის თემა უნდა შეესაბამებოდეს საგანმანათლებლო პროგრამას, ხოლო მოცულობა და სტრუქტურა განსაზღვრულია წინამდებარე წესის შესაბამისად.
- 1.6. სამაგისტრო პროექტის/ნაშრომის შერჩევისას გათვალისწინებული უნდა იყოს: თემის შესაბამისობა საგანმანათლებლო პროგრამასთან და სამეცნიერო-ტექნიკური ბაზა.
- 1.7. მაგისტრანტის მიერ სამაგისტრო თემისა და ხელმძღვანელის შერჩევა, დაშვების წინაპირობის დაცვით, ხდება უმაღლესი განათლების მეორე საფეხურის - სამაგისტრო საგანმანათლებლო პროგრამის III სემესტრის არაუგვიანეს მე-10 კვირისა, ხოლო ინტეგრირებული პროგრამების შემთხვევაში IX სემესტრის არაუგვიანეს მე-10 კვირისა. სამაგისტრო ნაშრომის თემისა და შესაბამის ხელმძღვანელს სამაგისტრო პროგრამის ხელმძღვანელის წარდგინებით ამტკიცებს ფაკულტეტის საბჭო.
- 1.8. მაგისტრანტს უფლება აქვს, პირადი განცხადების საფუძველზე, შეცვალოს: სამაგისტრო პროექტის/ნაშრომის თემა, სამაგისტრო ნაშრომის ხელმძღვანელი IV სემესტრის დაწყებამდე, ხოლო ინტეგრირებული პროგრამების შემთხვევაში X სემესტრის დაწყებამდე. თემის სათაურის დაზუსტება შესაძლებელია საჭიროებისამებრ.
- 1.9. სამაგისტრო პროექტში/ნაშრომში უნდა გამოვლინდეს სტუდენტის ცოდნის დონისა და მეცნიერული კვლევის უნარის შესაბამისობა აკადემიური პროგრამით განსაზღვრულ მოთხოვნებთან.
- 1.10. პროექტის/ნაშრომის შეფასების კრიტერიუმები ეყრდნობა უნივერსიტეტში მოქმედი ზოგადი შეფასების კრიტერიუმებს, თუმცა, ფაკულტეტის საბჭოს შეუძლია განსაზღვროს დამატებითი კრიტერიუმები.

**2. სამაგისტრო პროექტის/ნაშრომის ხელმძღვანელი**

- 2.1 სამაგისტრო პროექტის/ნაშრომის ხელმძღვანელი შეიძლება იყოს ფაკულტეტის აკადემიური პერსონალი ან მოწვეული დოქტორი (ან მასთან გათანაბრებული აკადემიური ხარისხის მქონე პირი), რომელსაც გააჩნია სამაგისტრო პროექტის/ნაშრომის თემასთან დაკავშირებულ სამეცნიერო სფეროში კვლევის გამოცდილება და შესაბამისი პუბლიკაციები. სტუდენტს, საჭიროების შემთხვევაში, შეიძლება ჰყავდეს თანახელმძღვანელი (იმ შემთხვევაში, თუ სამაგისტრო თემა მოიცავს ორ ან რამდენიმე დარგს/ქვედარგს).
- 2.2 ხელმძღვანელს უფლება აქვს, უარი თქვას კონკრეტული ნაშრომის ხელმძღვანელობაზე, როგორც მუშაობის დაწყებამდე, ისე მუშაობის პროცესში. ამ უკანასკნელ შემთხვევაში მან წერილობით, სათანადო არგუმენტაციით უნდა მიმართოს დეკანს, მაგრამ არა უგვიანეს ერთი თვისა მუშაობის დაწყებიდან.
- 2.3 ხელმძღვანელს შეუძლია უხელმძღვანელოს არა უმეტეს 5 სამაგისტრო პროექტის/ნაშრომის მომზადებას.

2.4 სამაგისტრო პროექტის/ნაშრომის ხელმძღვანელის ფუნქციაა:

- დაეხმაროს სტუდენტს გეგმის შედგენასა და ბიბლიოგრაფიის დამუშავებაში, ეტაპობრივად შეამოწმოს თემაზე მუშაობის პროცესი, გამოთქვას შენიშვნები და უზრუნველყოს კვლევის სწორი მიმართულებით წარმართვა, ჩაატაროს რეგულარული კონსულტაციები.
- დაეხმაროს სტუდენტს ადგილობრივ და საერთაშორისო სამეცნიერო სივრცეში ინტეგრირების პროცესში.
- სამაგისტრო ნაშრომის დასრულების შემდეგ მოამზადოს დასკვნა, რომელიც უნდა მოიცავდეს შემდეგ ინფორმაციას:

ა) სამაგისტრო პროექტის/ნაშრომის დასათაურება;

ბ) ავტორის ვინაობა;

გ) სამაგისტრო პროექტის/ნაშრომის მოკლე მიმოხილვა;

დ) სამაგისტრო პროექტის/ნაშრომის თემის აქტუალურობა;

ე) პროექტში/ნაშრომში წარმოდგენილი სამეცნიერო სიახლე და მისი პრაქტიკული ღირებულება;

ვ) ნაშრომის შინაარსობრივი შესაბამისობა სამაგისტრო საგანმანათლებლო პროგრამასთან;

ზ) ხელმძღვანელის შუამდგომლობა სამაგისტრო პროექტის/ნაშრომის განხილვის მიზანშეწონილობასთან დაკავშირებით.

**დასკვნა** წარმოდგენილი უნდა იყოს ნაბეჭდი სახით, არანაკლებ ორ გვერდზე, A 4 ფორმატით, სრული აბზაცებით თითო სტრიქონის დაშორებით, "სილფაენი" შრიფტით, სათაურის ზომა - 14, ძირითადი ტექსტისა - 12, სტრიქონებს შორის მანძილი - 1.5.

### 3. რეცენზენტი

3.1 სამაგისტრო პროექტის/ნაშრომის რეცენზენტის დანიშვნის მიზანშეწონილობის საკითხის შესახებ გადაწყვეტილებას იღებს ფაკულტეტი;

3.2 რეცენზენტს არჩევს სამაგისტრო პროექტის/ნაშრომის ხელმძღვანელი სამაგისტრო საგანმანათლებლო პროგრამის ხელმძღვანელთან ერთად. რეცენზენტი შეიძლება იყოს აკადემიური პერსონალი, დოქტორის ან მასთან გათანაბრებული აკადემიური ხარისხის მქონე პირი, დოქტორანტი (სადოქტორო პროგრამის ფარგლებში პროფესორის ასისტენტობის ინსტრუქციის შესაბამისად).

3.3 რეცენზია წარმოდგენილ უნდა იყოს ნაბეჭდი სახით, A4 ფორმატით, სრული აბზაცებით - თითო სტრიქონის დაშორებით, „სილფაენი“ შრიფტით, სათაურების 14, ძირითადი ტექსტისა - 12, სტრიქონებს შორის მანძილი - 1.5.

3.4 რეცენზია უნდა შეიცავდეს შემდეგ ინფორმაციას:

ა) პროექტის/ნაშრომის დასათაურებას;

ბ) ავტორის ვინაობას;

გ) პროექტის/ნაშრომის მოკლე მიმოხილვას;

დ) პროექტის/ნაშრომის ძლიერი და სუსტი მხარეების აღნიშვნას შენიშვნებისა და რეკომენდაციების მინიშნებით;

ე) აძლევს დადებით დასკვნას პროექტის/ნაშრომის დაცვაზე წარსადგენად.

ვ) უარყოფითად შეფასების შემთხვევაში სტუდენტს ენიშნება მეორე რეცენზენტი, რომლის დადებითი დასკვნის საფუძველზე სტუდენტი დაიშვება დაცვაზე.

თ) განმეორებით უარყოფითი შეფასების შემთხვევაში სტუდენტი გადამუშავებულ ან ახალ სამაგისტრო პროექტის/ნაშრომს წარმოადგენს მომავალ სემესტრში.

3.5 რეცენზენტის დასწრება საჯარო დაცვაზე არ არის სავალდებულო.

### 4. სამაგისტრო პროექტის/ნაშრომის წარდგენის, დაცვისა და შეფასების პროცედურები

4.1 III სემესტრის დაწყებიდან, ხოლო ინტეგრირებულის პროგრამის შემთხვევაში IX სემესტრის არაუგვიანეს მე-10 კვირისა ფაკულტეტის საბჭოზე მტკიცდება სამაგისტრო პროექტის/ნაშრომების თემატიკა. ამავე სემესტრში სტუდენტი ირჩევს თემას (სტუდენტს შეუძლია შესთავაზოს მისთვის საინტერესო სამაგისტრო

თემა) და ხელმძღვანელს, რისთვისაც განცხადებით მიმართავს შესაბამისი ფაკულტეტის დეკანს. ხელმძღვანელის წერილობითი თანხმობის შემთხვევაში ფაკულტეტის საბჭო იღებს შესაბამის დადგენილებას.

4.2 მაგისტრანტი სრულყოფილად გაფორმებულ, აკინძულ და ყდაში ჩასმულ სამაგისტრო პროექტს/ნაშრომს და ნაშრომის სრულ ელექტრონულ ვერსიას (CD) ხელმძღვანელის დასკვნის თანხლებით წარუდგენს სამაგისტრო პროგრამის ხელმძღვანელს ფაკულტეტის საბჭოს მიერ დადგენილი წესებისა და ვადების შესაბამისად.

4.3 ფაკულტეტის ხარისხის უზრუნველყოფის სამსახური ამოწმებს სამაგისტრო პროექტს/ნაშრომის შესაბამისობას ინსტრუქციასთან. ფაკულტეტის მიერ დადგენილი ვადების შესაბამისად სტუდენტი სამაგისტრო ნაშრომს ატვირთავს Moodle-ის პროგრამაში პლაგიატის აღმოჩენის, პრევენციისა და რეაგირების კომისიის დასკვნის მისაღებად. სამცხე-ჯავახეთის სახელმწიფო უნივერსიტეტში პლაგიატის დამდგენი კომისია ხუთი სამუშაო დღის ვადაში ამოწმებს ნაშრომებს პლაგიატის წესის შესაბამისად. პლაგიატის დადასტურების შემთხვევაში სტუდენტს უბრუნდება ნაშრომი და ეძლევა გონივრული ვადა გამოსასწორებლად.

4.4 პლაგიატის აღმოჩენის, პრევენციისა და რეაგირების კომისიის მიერ პლაგიატის არ დადასტურების შემთხვევაში გაცემული დასკვნის საფუძველზე სამაგისტრო პროექტის/ნაშრომს ენიშნება რეცენზენტი.

4.5 სამაგისტრო პროექტის/ნაშრომის არწარმოდგენის შემთხვევაში გადაწყვეტილებას იღებს დეკანატი კანონმდებლობისა და უნივერსიტეტის რეგულაციების შესაბამისად.

4.6 სამაგისტრო პროექტის/ნაშრომის უნდა შეფასდეს იმავე ან მომდევნო სემესტრში, რომელშიც სტუდენტი დაასრულებს მასზე მუშაობას.

4.7 სამაგისტრო პროექტის/ნაშრომის დაცვის თარიღისა და დარგობრივი კომისიის შემადგენლობას (მათ შორის, კომისიის თავმჯდომარეს (რომელიც არ შეიძლება იყოს სამაგისტრო პროექტის/ნაშრომის ხელმძღვანელი) და მდივანს) ამტკიცებს ფაკულტეტის საბჭო.

ა) დარგობრივი კომისია უნდა შედგებოდეს სამაგისტრო პროექტის/ნაშრომის შესაბამისი მეცნიერების დარგის 3 ან მეტი წევრისაგან. კომისიის წევრი შეიძლება იყოს უნივერსიტეტის პროფესორი ან ასოცირებული პროფესორი, აგრეთვე დოქტორის ან მასთან გათანაბრებული აკადემიური ხარისხის მქონე პირი, კომისიის წევრი შეიძლება იყოს სამაგისტრო პროექტის/ნაშრომის ხელმძღვანელი (ხელმძღვანელი, თუ საპატიო მიზეზის გამო ვერ ესწრება კომისიის სხდომას, კომისიას უგზავნის შესაბამის მოხსენებით ბარათს და მაგისტრანტის პიროვნულ დახასიათებას).

4.8 სამაგისტრო პროექტის/ნაშრომის დაცვის დარგობრივი კომისიის სხდომა უფლებამოსილია, თუ მას ესწრება კომისიის წევრთა უმრავლესობა.

4.9 ფაკულტეტის დარგობრივ კომისიას უნდა წარედგინოს სამაგისტრო პროექტის/ნაშრომის ორი ეგზემპლარი და ელექტრონული ვერსია ბიბლიოთეკაში არქივირების მიზნით. სამაგისტრო ნაშრომის დაცვა ხდება საგანმანათლებლო პროგრამის სწავლების ენაზე.

4.10 მაგისტრანტის მიერ პროექტის/ნაშრომის პრეზენტაცია გულისხმობს თემის წარმოდგენას, რომლის რეგლამენტი განისაზღვრება არაუმეტეს 15 წუთით. მოხსენების დასრულების შემდეგ იმართება კამათი, მაგისტრანტი უპასუხებს კომისიის წევრების მიერ დასმულ შეკითხვებს. კამათის შემდეგ სამაგისტრო პროექტის/ნაშრომის შესაფასებლად დარგობრივი კომისია გადაწყვეტილებას იღებს დახურულ სხდომაზე.

4.11 სამაგისტრო პროექტი/ნაშრომი ფასდება ერთჯერადად (დასკვნითი შეფასებით) დარგობრივი კომისიის წევრების შეფასებების საშუალო არითმეტიკულით, ფაკულტეტების მიერ შემუშავებული შესაბამისი კრიტერიუმების გათვალისწინებით (დანართი 1-ის შესაბამისად).

4.12 შეფასების სისტემით დასაშვებია

ა) ხუთი სახის დადებითი შეფასება:

ა.ა) (A) ფრიადი – შეფასების 91-100 ქულა;

ა.ბ) (B) ძალიანკარგი – მაქსიმალური შეფასების 81-90 ქულა;

ა.გ) (C) კარგი – მაქსიმალური შეფასების 71-80 ქულა;

ა.დ) (D) დამაკმაყოფილებელი – მაქსიმალური შეფასების 61-70 ქულა;

ა.ე) (E) საკმარისი – მაქსიმალური შეფასების 51-60 ქულა.

ბ) ორი სახის უარყოფითი შეფასება:

ბ.ა) (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს მეტი მუშაობა სჭირდება და მას უფლება ეძლევა გადამუშავებული სამაგისტრო პროექტი/ნაშრომი წარადგინოს მომდევნო სემესტრის განმავლობაში;

ბ.ბ) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და იგი კარგავს იმავე პროექტის/ნაშრომის წარდგენის უფლებას.

სამაგისტრო პროექტის/ნაშრომის უარყოფითი შეფასების შემთხვევაში მაგისტრანტი დამატებით სემესტრში გადის სემესტრულ ადმინისტრაციულ რეგისტრაციას და ეძლევა ახალ სამაგისტრო თემაზე შესრულებული პროექტის/ნაშრომის წარმოდგენის უფლება.

## 5. სამაგისტრო ნაშრომის გაფორმების წესი

სამაგისტრო პროექტის/ნაშრომი უნდა აკმაყოფილებდეს შემდეგ ფორმალურ მოთხოვნებს:

5.1 სამაგისტრო პროექტის/ნაშრომის მოცულობა არ უნდა იყოს A4 ზომის არაუმეტეს 80 გვერდისა (ფაკულტეტები განსაზღვრავენ სამაგისტრო პროექტის/ნაშრომის მინიმალური და მაქსიმალური გვერდების რაოდენობის ზღვარს საგანმანათლებლო პროგრამების სპეციფიკის გათვალისწინებით), მაგრამ იგი უნდა იყოს არანაკლებ 40 და არაუმეტეს 80 გვერდისა. შრიფტი – sylfaen, (დანართები (სქემები...)) შრიფტით sylfaen), ზომა - 12, სათაურებისა და ქვესათაურების ზომა შესაბამისად - 16-14, სტრიქონებს შორის მანძილი – 1.5, გვერდის ველები (ყველა მხრიდან) 2 სმ. დამატებით მოთხოვნებს სტრუქტურისა და მოცულობის შესახებ ადგენს ფაკულტეტის საბჭო.

5.2 სამაგისტრო პროექტის/ნაშრომის სტრუქტურაში გათვალისწინებულ უნდა იქნეს შემდეგი კომპონენტები:

- თავფურცელი - სამაგისტრო პროექტის/ნაშრომის პირველი გვერდი; (თავფურცელი უნდა გაფორმდეს შემდეგნაირად. თავფურცლის ზემო ნაწილში მიეთითება სამცხე-ჯავახეთის უნივერსიტეტის სრული დასახელება: „სამცხე-ჯავახეთის სახელმწიფო უნივერსიტეტი“, ფაკულტეტი (შრიფტი: sylfaen 12, Bold), პროგრამის დასახელება (შრიფტი: sylfaen 12, Bold), შემდეგ სტუდენტის სახელი და გვარი (შრიფტი: sylfaen 16, Bold), შუა ნაწილში სამაგისტრო პროექტის/ნაშრომი, სამაგისტრო თემის სრული სათაური (შრიფტი: sylfaen 18, Bold), სათაურის ქვემოთ, მარჯვენა მხარეს ხელმძღვანელის სახელი, გვარი, აკადემიური ხარისხი, აკადემიური თანამდებობა (შრიფტი: sylfaen 14, Bold), თავფურცლის ქვედა ნაწილში აღინიშნება დაცვის ადგილი (ახალციხე) და დაცვის დრო (წელი) (შრიფტი: sylfaen 12, Bold).

- სარჩევი - (ანოტაცია, შესავალი, ნაშრომის თავები და პარაგრაფები.....) გვერდების მითითებით;

- ანოტაცია - მოკლედ და გასაგებად უნდა ასახავდეს სამაგისტრო პროექტის/ნაშრომის თემის აქტუალობას, მიზნებსა და ამოცანებს, კვლევის საგანსა და ობიექტს, ძირითად შედეგებსა და სიახლეს. ანოტაცია არ უნდა აღემატებოდეს 150 სიტყვას. ანოტაცია უნდა იყოს დაწერილი ქართულ ენაზე და თარგმნილი ინგლისურ ენაზე. ანოტაციის ინგლისურენოვანი ვარიანტი უნდა შეიცავდეს ავტორის ინიციალებს, გვარს, თემის დასახელებას. ანოტაცია ერთ გვერდზე უნდა იყოს განთავსებული და წარდგენილი თავფურცელის მომდევნო ფურცელზე.

- შესავალი – ნაშრომის ზოგადი ნაწილია, რომელშიც უნდა აისახოს არჩეული თემის აქტუალობის დასაბუთება, მიზნები და დასმული ამოცანა (ამოცანები); საკვლევი საგანი და გამოყენებული მეთოდები (კვლევის თეორიული და მეთოდოლოგიური საფუძვლები); კვლევის შედეგები.

- ტექსტის ძირითადი ნაწილი – შეიძლება დაიყოს თავებად და პარაგრაფებად;

- დასკვნა - წარმოადგენს სამაგისტრო პროექტის/ნაშრომის კვლევის ძირითადი შედეგების ამსახველ ნაწილს, რომელიც კონკრეტულა პასუხობს ყველა იმ ამოცანას, რომელიც მაგისტრანტს გააქვს საჯარო დაცვაზე.

- გამოყენებული ლიტერატურის ნუსხა - წარმოდგენილ უნდა იქნეს ნაშრომის ბოლოს ანბანური თანმიმდევრობით (ქართული და უცხოური ლიტერატურა მიეთითება ერთი საერთო ნუსხით). ლიტერატურა უცხოურ ენაზე მიეთითება შემდეგნაირად: სამეცნიერო პროექტის/ნაშრომის ავტორის გვარი და ინიციალები ქართულად, შემდეგ ტირე, პროექტის/ნაშრომის ავტორის გვარი და ინიციალები და ნაშრომის სრული დასახელება უცხოურ ენაზე). თუ ავტორი არ ჰყავს, ჯერ მიეთითება პროექტის/ნაშრომის დასახელება ქართულად, შემდეგ ტირე და ნაშრომის სრული დასახელება უცხოურ ენაზე.

- სამაგისტრო პროექტის/ნაშრომში გამოყენებული ლიტერატურის ნუსხა უნდა განთავსდეს ნაშრომის ბოლოს ძირითად ტექსტში მითითებული თანმიმდევრობის მიხედვით. ლიტერატურული წყაროს მითითებისას დაცული უნდა იქნას შემდეგი სტილი:

ა. სტატია: გვარი ინიციალი. სრული სათაური. ჟურნალის სრული დასახელება ან აბრევიატურა. წელი, ტომი, [ნომერი,] გვ. დასაწისი დასასრული (მაგ.: 1. მაჭავარიანი ს., უწყებრივი ქვემდებარეობისა და განსჯადობის პრობლემა საქართველოს საპროცესო კანონმდებლობის შესაბამისად. ქ. მართლმსაჯულება, 2017, 2, გვ. 186-213.).

ბ. წიგნი:

ბ.ა. ცალკეული გვერდების მითითებისას: გვარი ინიციალი. სრული სათაური. გამოცემის ადგილი: გამომცემლობა. წელი, [ტომი,] გვ. დასაწისი-დასასრული (მაგ.: 1. მელქაძე ო., დვალი ბ., სასამართლო ხელისუფლება საზღვარგარეთის ქვეყნებში. თბილისი: მერანი - 3, 2000, გვ. 68-86.).

ბ.ბ. მთლიანი წიგნის მითითებისას: გვარი ინიციალი. სრული სათაური. გამოცემის ადგილი: გამომცემლობა. წელი, [ტომი,] გვერდების რაოდენობა გვ. (მაგ.: 1. მელქაძე ო., დვალი ბ., სასამართლო ხელისუფლება საზღვარგარეთის ქვეყნებში. თბილისი: მერანი - 3, 2000, გვ. 379).

ბ.გ. ინფორმაციის გლობალური ქსელი: ვებ-გვერდის დასახელება. უკანასკნელად იქნა გადამოწმებული – რიცხვი, თვე, წელი.

- ლიტერატურის ნუსხაში გვერდები ინომრება თანმიმდევრულად ძირითად ტექსტთან ერთად, სტრიქონებს შორის ინტერვალი უნდა იყოს – 1, აზვაცებს შორის ინტერვალი 6-12 პუნქტი, ხოლო შრიფტის ზომა 12 პუნქტი.

- თუ სამაგისტრო პროექტს/ნაშრომს თან ერთვის ცხრილების, ანალიტიკური პროცედურების, დიაგრამების, სქემებისა და ილუსტრაციების ნუსხა, იგი უნდა განთავსდეს სამაგისტრო პროექტის/ნაშრომის შესავალ ნაწილში სარჩევის (შინაარსის) შემდეგ. ინტერვალი უნდა იყოს 1.5. აზვაცი, რომლის სიგრძეც აღემატება ერთ სტრიქონს, ინტერვალის ზომად აიღება 1. შრიფტის ზომა უნდა იყოს 12. გვერდის ნომრები უნდა განთავსდეს მარჯვენა მინდორთან. დასაშვებია სათაურსა და გვერდის ნომერს შორის სივრცის შევსება სიმბოლოებით: „“, „-“ „ „“.

- ცხრილების, ანალიტიკური პროცედურების, დიაგრამების, სქემებისა და ილუსტრაციების შემცველობა, ადგილმდებარეობა და ფორმატირება განპირობებულია პროექტის/ნაშრომის სპეციფიკით. სხვა ლიტერატურული წყაროებიდან აღებული ცხრილების, ანალიტიკური პროცედურების, დიაგრამების, სქემებისა და ილუსტრაციების გამოყენებისას არ უნდა იქნას დარღვეული საავტორო უფლებები. ცხრილები, ანალიტიკური პროცედურები, დიაგრამები და სქემები აიგება შავ-თეთრად, ასევე დასაშვებია ფერადი დიაგრამებისა და ილუსტრაციების გამოყენება.

- ცხრილების, ანალიტიკური პროცედურების, დიაგრამების, სქემებისა და ილუსტრაციების დასახელებები უნდა განთავსდეს უშუალოდ მათ თავზე ან ბოლოში. შრიფტის ზომად გამოყენებული უნდა იქნას ძირითადი ტექსტის შრიფტის ზომაზე 1 პუნქტით ნაკლები. დასაშვებია ნახევრად მუქი შრიფტის გამოყენება. ინტერვალი აიღება 1-ის ტოლი.

- ცხრილები, ანალიტიკური პროცედურები, დიაგრამები, სქემები, ილუსტრაციები და მათი დასახელებები შეიძლება განთავსდეს როგორც ძირითად ტექსტში, ისე ცალკეულ ინდივიდუალურ გვერდზე დანართების სახით. ცხრილები, ანალიტიკური პროცედურები, დიაგრამები, სქემები და ილუსტრაციები ტექსტიდან დაცილებული უნდა იყოს 1.5-2 სმ-ით. საჭიროების შემთხვევაში დასაშვებია ფურცლის ჰორიზონტალური ორიენტაცია. ჰორიზონტალური გვერდების მინდორი და გვერდის ნუმერაცია უნდა იყოს ვერტიკალური გვერდების ანალოგიური.

- თუ სამაგისტრო პროექტს/ნაშრომს დანართების სახით თან ერთვის მონაცემთა ცხრილები, ანალიტიკური პროცედურები, დიაგრამები, სქემები და ილუსტრაციები, ისინი უნდა განთავსდეს სამაგისტრო პროექტის/ნაშრომში ბიბლიოგრაფიის ან გამოყენებული ლიტერატურის ნუსხის შემდეგ. ამასთან, ძირითად ტექსტში არსებული მონაცემთა ცხრილების, ანალიტიკური პროცედურების, დიაგრამების, სქემების და ილუსტრაციების ნუმერაცია წარმოებს გამჭოლად. დანართში არსებული ცხრილების, ანალიტიკური პროცედურების, დიაგრამების, სქემების და ილუსტრაციების ნუმერაცია იწყება თავიდან.

- სამაგისტრო პროექტში/ნაშრომში გამოყენებული ისეთი აბრევიატურებისათვის, რომელიც არ არის საყოველთაოდ მიღებული, სასურველია ავტორის მიერ მოცემული იქნას მათი ჩამონათვალი და ახსნა, რაც ნაშრომს ადვილად აღსაქმელს გახდის. გამოყენებული აბრევიატურების ნუსხა სამაგისტრო ნაშრომში უნდა განთავსდეს შესავალ ნაწილში სამაგისტრო ნაშრომის სარჩევის (შინაარსის) ან ცხრილების ნუსხის შემდეგ.

- ავტორის სურვილის მიხედვით შესაძლებელია სამაგისტრო პროექტს/ნაშრომს დაერთოს ანბანური საძიებელი. ანბანური საძიებელი უნდა განთავსდეს სამაგისტრო პროექტის/ნაშრომის შესავალ ნაწილში სარჩევის (შინაარსის) ან ცხრილების ნუსხის ან გამოყენებული აბრევიატურების ნუსხის შემდეგ.

**ტექსტში ზომა-წონის ერთეულები უნდა მიენიშნოს შემდეგნაირად:**

❖ ტექსტში ზომა-წონის ერთეულები წარმოდგენილი უნდა იყოს სი სისტემით (ერთეულთა საერთაშორისო სისტემა, ან შემოკლებით SI -ფრანგ. *Système international d'unités*, SI). წყაროში სხვა ზომა-წონის ერთეულის დასახელების შემთხვევაში, იქვე, მრგვალ ფრჩხილებში ან სქოლიოში უნდა მიეთითოს სი სისტემის შესაბამისი ზომა-წონის ერთეული.

❖ წელთაღრიცხვისათვის უნდა გამოიყენოთ გრიგორიანული სტილი. წყაროებში სხვა კალენდარული სისტემების თარიღების დასახელების შემთხვევაში, მრგვალ ფრჩხილებში ან სქოლიოში უნდა მიეთითოს გრიგორიანული კალენდრის შესაბამისი თარიღი. ქრისტეს შობამდე მოვლენების დათარიღებისათვის უნდა გამოიყენოთ პეტავიუსის სისტემა ნულოვანი წლის გარეშე (მაგ.: „ძველი წელთაღრიცხვით“; „ჩვენს წელთაღრიცხვამდე“; „ქრისტემდე“).

5.3 სამაგისტრო პროექტი/ნაშრომი უნდა აიკინძოს შემდეგი თანმიმდევრობით:

5.3 თავფურცელი, სარჩევი, ანოტაცია, შესავალი, თავები, დასკვნა.

5.3 სამაგისტრო პროექტის/ნაშრომის ნუმერაცია:

5.3 ნუმერაცია იწყება სატიტულო თავფურცლიდან (გვერდიდან), თუმცა სატიტულო თავფურცელზე არ დაისმება ციფრი 1. ციფრი 2 დაისმება მეორე გვერდზე „სარჩევი“. მთელ ტექსტში ნუმერაცია დაისმება ფურცლის ბოლოს, მარჯვენა კუთხეში.

## 6. სამაგისტრო პროექტის/ნაშრომის დაცვაზე დაშვებისა და შეფასების პირობები

### 6.1. სამაგისტრო პროექტის/ნაშრომის დაცვაზე დაშვების წინაპირობებია:

6.1.1 სამაგისტრო პროგრამით გათვალისწინებული კრედიტების სრულად ათვისება;

6.1.2 სამაგისტრო პროექტის/ნაშრომის ხელმძღვანელის შუამდგომლობა ნაშრომის დაცვაზე წარსადგენად;

6.1.3 სამაგისტრო პროექტის/ნაშრომის რეცენზენტის რეკომენდაცია ნაშრომის დაცვაზე წარსადგენად.

საფაკულტეტო დარგობრივი კომისიის მიერ სამაგისტრო პროექტის/ნაშრომის შეფასება (მაქსიმალური შეფასება 100 ქულა)

სტუდენტის სახელი, გვარი \_\_\_\_\_

სამაგისტრო პროექტის/ნაშრომის სახელწოდება

სამაგისტრო პროექტის/ნაშრომის შეფასების კრიტერიუმები:

შენიშვნა: სამაგისტრო პროექტის/ნაშრომის შეფასების კრიტერიუმების განსაზღვრა შეუძლია ფაკულტეტებს საგანმანათლებლო პროგრამების გათვალისწინებით.

თემის დასახელება:			
შეფასების კომპონენტები	მაქსიმალური შეფასება, ქულა	შეფასება	შენიშვნა
1. პრობლემის აქტუალურობის წარმოჩენა, პროექტის/ნაშრომის რელევანტურობა საკვლევ თემასთან; ძირითად საკვლევ საკითხებზე კონცენტრირება	10		
2. კვლევის მეთოდოლოგია	8		
შერჩეული მასალა	7		
საკვლევ საკითხის ამომწურავად შესწავლა	15		
3. ავტორის პოზიციის გამოკვეთა, მსჯელობა, შესაბამისი დასკვნები და შედეგები	10		
4. მონაცემების სისწორე, დამოწმებული წყაროს სანდოობა და მათი ბიბლიოგრაფიაში ასახვა	5		
5. მონაცემთა უშუალოდ პირველწყაროდან მომდინარეობა, ციტატების ორგანული და ლოგიკური კავშირი ტექსტთან	5		
6. პროექტის/ნაშრომის გაფორმების ხარისხი და სტრუქტურული გამართულობა	5		
7. კამათისა და საკუთარი პოზიციის დაცვის უნარი (აზრების თანმიმდევრულად გადმოცემა, კითხვებზე, შენიშვნებსა და რეკომენდაციებზე გაცემული პასუხების სიზუსტე და სიღრმისეულობა)	13		
8. საპრზენტაციო მასალების გაფორმების ვიზუალური მხარე	7		
9. პროექტის/ნაშრომის ენობრივად და სტილისტურად გამართულობა, ლექსიკის თემატიკასთან შესაბამისობა, ბიბლიოგრაფიის მითითების სისწორე	8		
10. აუდიტორიასთან კომუნიკაციის უნარი, რეგლამენტის დაცვა	7		



სამცხე-ჯავახეთის სახელმწიფო უნივერსიტეტი

ფაკულტეტი \_\_\_\_\_

სამაგისტრო საგანმანათლებლო პროგრამა \_\_\_\_\_

მაგისტრანტის სახელი, გვარი

სამაგისტრო პროექტი/ნაშრომი  
თემის სრული სათაური

ხელმძღვანელის სახელი, გვარი, აკადემიური ხარისხი,  
აკადემიური თანამდებობა

ახალციხე - ... წელი